

minis circumscribi, aut illius vinculum, mortis temporali interventu dissolvi posse.

10. Verum illud in quæstione est, Quinam honor & cultus Beatis illis cælitibus, salvâ Religione Christianâ, dependi à nobis & possit & debeat.

11. Ad quæsitum istud respondet Confessio nostra in hunc modum: De cultu Sanctorum docent, quod memoria Sanctorum proponi potest, ut imitemur fidem eorum, & bona opera iuxta vocationem: ut Cæsar imitari potest exemplum Davidis in bello gerendo ad depellendos Turcas à patria. Nam uterque tex est.

12. Memoriam igitur Sanctorū in Ecclesiis proponi posse ac debere, docent Confessores nostri: memoria termino notantes laudem & virtutem, ac donorum Spiritus sancti, quibus præ aliis illi inclarerunt, prædicationem & celebrationem.

13. Et hoc est illud quod Psal. 112. 7. Iustus in memoria eterna futurus esse dicitur: & Prov 10. 7. Radē justi memoria cū laudibus & in benedictione fore. Et Maria se à generationibus universis beatæ prædicandam esse asserit. Luc. 1. 48. Et Servator, factum mulieris, caput suum ihungentis, cum memoria ipsius in universo mundo celebratum iri prædictit. Matth. 26, 13.

14. Hoc modo Patriarcharum plerorumque memoriam coluit Stephanus Act. 7. & Apostolus Paulus, Patriarchæ Abrahami, fidem ipsius magnifice